


# ETHOLIADAU CYNULLIAD CYMRU

## 2003: Yr her werdd



**Friends of  
the Earth  
Cymru**

**Cyfeillion  
y Ddaear  
Cymru**

### **Beth all Cynulliad Cenedlaethol Cymru ei wneud i chi?**

Ar 1 Mai byd Cymru'n pleidleisio i ethol aelodau Cynulliad Cenedlaethol Cymru. Mae Cyfeillion y Ddaear Cymru'n gosod her i ymgeiswyr i roi'r amgylchedd yn galon i'r etholiad.

### **Pam fod y Cynulliad o bwys?**

Mae gan Gynulliad Cenedlaethol Cymru y grym i wneud gwir wahaniaeth ar nifer o faterion amgylcheddol a dangos arweiniad positif i weddill y DG. Ar faterion GM, gwastraff, ynni, cludiant a chynllunio, Cynulliad Cenedlaethol Cymru sy'n gwneud y penderfyniadau ac yn siapiro Cymru.

*"Edrychir ar Gymru fel un o arweinwyr byd ar ddatblygiad cynaladwy. Mae'n un o dair llywodraeth yn unig drwy'r byd sydd â dyletswydd gyfreithiol tuag at ddatblygiad cynaladwy ... Mae honno'n fraint fawr, yn gyfrifoldeb mawr ac yn gyfle mawr. Ond dim ond y dechrau yw hyn ... mae penderfyniadau anodd i'w gwneud gydag ynni a newid hinsawdd yn ddim ond dwy enghraifft. Ond mae'r rhain yn sialensiau na allwn droi ein cefnau arnynt. Nid yw gwneud dim yn ddewis."*

Rhodri Morgan, Prif Weinidog Cymru, Rhagfyr 2002

---

## **Yr Her Werdd: maniffesto pum pwynt**

### **1. Cymru rhydd o GM**

Mae Cyfeillion y Ddaear Cymru wedi ymgychu yn erbyn twf cynydu sydd wedi eu haddasu'n enetig (GM) yng Nghymru ers 1997.

Nid yw wedi ei brofi bod cynydu GM yn ddiogel i iechyd dynol na'r amgylchedd,

Mae gwyddoniaeth GM yn newydd ac mae'r arbrofion gwyddonol wedi eu cynnal yn bennaf gan y diwydiannau biotechnoleg eu hunain.

Gall cynydu GM wenwyno cynydu nad sy'n GM a chnydu organig.

#### **Beth mae'r Cynullad wedi ei wneud?**

Mae gan y Cynulliad gonsensws traws bleidiol yn erbyn GM yng Nghymru. Ym mis Mai 2000 pleidleisiodd yn unfrydol i basio cynnig yn cyfyngu ar dyfiant cynydu GM arbrofol yng Nghymru,

ni thyfwyd cynydu GM yng Nghymru yn 2002.

#### **Beth ddylai'r Cynulliad ei wneud:**

Rhwystro tyfiant masnachol cynydu GM drwy wrthod ychwanegu ChardonLL i'r rhestr hadau cenedlaethol,

gwrthwynebu i gnydu GM newydd gael eu cymeradwyo ar gyfer eu plannu yn Ewrop,

sefydlu Pwyllgor Ymgynghorol annibynnol i ymdrin â materion GM.

### **2. Cymru ddiwastraff**

Mae gan Gymru hanes trychinebus o ailgylchu, mae cymunedau'n byw nesaf at gladdfeydd sy'n gollwng a gallai Cymru gael ei bygwth gyda chynigion ar gyfer llosgyddion halogedig sy'n ysu am sbwriel,

caiff 93 y cant o wastraff a gesglir gan gynghorau yng Nghymru bob blwyddyn ei gladdu mewn claddfeydd,

a dim ond 7 y cant gwarthus a ailgylchwyd (2000/2001).

#### **Beth mae'r Cynullad wedi ei wneud?**

Gosododd strategaeth gwastraff y Cynulliad (2002) dargedau ailgylchu uwch nag yn Lloegr. Serch hynny nid yw'r Cynulliad wedi mynd yn ddigon pell a gallai Cymru gael ei bygwth gan llosgyddion sy'n llygru.

#### **Beth ddylai'r Cynulliad ei wneud:**

Sefydlu Cymru'n genedl ddiwastraff o fewn 25 mlynedd gyda thargedau clir ac arian i alluogi cynghorau i'w cyrraedd,

peidio adeiladu llosgyddion newydd am 10 mlynedd.

(trosodd...)

### 3. Cludiant i bawb

Er ymrwymiad y Cynulliad i ddatblygiad cynaladwy ni fu fawr o symud ym mhatrwm gwario dros y blynyddoedd diwethaf o adeiladu ffyrdd traddodiadol i gludiant cyhoeddus a lleihau dibyniaeth ar geir.

#### **Beth mae'r Cynulliad wedi ei wneud?**

Parhau i wario mwy ar ffyrdd na buddsoddiad mewn cludiant cyhoeddus, dal i gredu bod ffyrdd newydd yn angenrheidiol ar gyfer twf economaidd Cymru, gwrthod cynigion ar gyfer maes awyr rhyng-gyfandirol yn Severnside, ger Casnewydd.

#### **Beth ddylai'r Cynulliad ei wneud:**

Ailgyfeirio gwariant cludiant o adeiladu ffyrdd i gludiant cyhoeddus, seiclo a cherdded, dweud na wrth ddeuoli'r A40 yn Sir Benfro a datgan na fydd yn adeiladu ffordd liniaru'r M4, cefnogi cynlluniau tagfeydd traffig yng Nghaerdydd, y cymoedd a phrif ganolfannau eraill yng Nghymru.

### 4. Cefnogi dyfodol ynni effeithlon ac adnewyddadwy

Mae angen i Gymru symud ymlaen gyda thechnolegau adnewyddadwy ac ynni effeithlon. Bydd hyn o fantais i'r amgylchedd ac yn gymorth i fynd i'r afael â newid hinsawdd. Bydd methu â gwneud hyn yn gadael y drws yn agored ar gyfer gorsafoedd ynni niwclear a pheryglon gwastraff niwclear, costau anferthol a therfysgaeth.

#### **Beth mae'r Cynulliad wedi ei wneud?**

Gosod targed i gael 20% o'r galw cyfredol am drydan yng Nghymru drwy ddulliau adnewyddadwy erbyn 2010,

Agorwyd 1000<sup>fed</sup> tyrbîn ar y ddaear yn y DG gan Rhodri Morgan, Ionawr 2003, ger Llanrwst, gogledd Cymru,

Mae Cymru'n arwain y ffordd mewn datblygiad ynni gwynt ar y môr gyda dau gynllun wedi eu cynnig ar gyfer gogledd Cymru.

#### **Beth ddylai'r Cynulliad ei wneud:**

Gosod targedau uchel ar gyfer ynni adnewyddadwy yng Nghymru, datblygu technolegau adnewyddadwy newydd megis lagynau llanw, datgan na fydd yr un orsaf ynni niwclear yn cael ei hadeiladu yng Nghymru.

### 5. Cyfiawnder cynllunio i Gymru

Gall penderfyniadau cynllunio siapio dyfodol cymdogaethau am genhedloedd a gallant gael canlyniadau amgylcheddol a chymdeithasol mawr. Yn rhy aml bydd y penderfyniadau hyn yn eithrio llais y gymuned leol.

#### **Beth mae'r Cynulliad wedi ei wneud?**

Ychydig iawn mae'r Cynulliad Cenedlaethol wedi ei wneud hyd yma i wneud y system gynllunio yng Nghymru yn fwy agored ac atebol i bobl.

Yn ei ddiwygiad diweddar o'r system gynllunio roedd gan y Cynulliad y cyfle i roi'r hawl i 'drydydd person' (pobl sy'n cynnig sylwadau ynghylch cais cynllunio heb fod yn awdurdod lleol neu'r person sy'n gwneud y cais) i apelio i'r Cynulliad Cenedlaethol ynghylch penderfyniadau cynllunio – fel y caiff y datblygwr – ond gwrthododd hyd yn oed ei ystyried.

#### **Beth ddylai'r Cynulliad ei wneud:**

Cyflwyno hawl apelio trydydd person ar benderfyniadau cynllunio mwy a rhai dadleuol.

## Gwasgu am newid

Pan fydd llawer o bobl yn holi gwleidyddion am yr un materion byddant yn cymryd sylw.

Dangoswch i'ch ymgeisydd Cynulliad bod yr etholaeth yn poeni am yr amgylchedd a gofynnwch iddynt gymryd yr her amgylcheddol.

Gofynnwch gwestiynau i'ch ymgeisydd Cynulliad am y materion hyn pan ddaw i guro ar eich drws,

gofynnwch i weithwyr y pleidiau ar y stryd, cymrwch ran mewn rhaglenni trafodaeth ar y radio a'r teledu.

I wybod pwy yw eich ymgeiswyr ewch draw i [www.waleslink.org](http://www.waleslink.org) neu cysylltwch â Chyfeillion y Ddaear Cymru.

#### **Cyfeillion y Ddaear Cymru**

33 Oriel Arcêd y Castell  
Caerdydd CF10 1BY

Ffôn: 029 2022 9577

Ebost: [cymru@foe.co.uk](mailto:cymru@foe.co.uk)

Gwefan: [www.foecymru.co.uk](http://www.foecymru.co.uk)

Mawrth 2000

Mae Cyfeillion y Ddaear Cymru'n ysbrydoli atebion i broblemau amgylcheddol, sy'n gwneud bywyd yn well i bo